

天一閣藏明代方志選刊續編

天一閣藏
明代方志
選刊續編

PDG

嘉靖清流縣志（福建）

嘉靖建寧縣志（福建）

嘉靖長泰縣志（福建）

嘉靖漳平縣志（福建）

天一閣藏明代方志選刊續編

三

上海書店

清流縣志序

邑之有志昉於上世九丘夏書禹貢周禮
職方春秋列國之史漢唐宋輿地之志志
亦史也史有二體曰紀傳之史曰編年之
史作史有三長曰才也學也識也紀傳本
於尚書地志方於禹貢今之邑志因之與
春秋編年不同而有資於才學識之三長

一也。兼是三長而又紀事以實持論以公於乎是惟良然則志待人而脩而地匪志無傳焉。清流雖僻在南服衣冠文物之盛不殊中州曠數百年間未有任紀載之責者何哉。意吏斯土者汲汲然以簿書期會爲事以條格法令爲賢不暇因俗以爲教淪溺於俗吏之流歟。是故予承乏以來訪

求邑事無徵其附見於郡志以上者寢約
而不詳或遺而弗紀間見於野史所載者
則又簡編斷殘併豕魚舛誤於是日夜校
閱辨真贋明是非復省俗觀民詢事采言
披案牘叅史傳掇拾見聞裁成新志以辨
疆土以定星野以陳職貢以明官守彰人
文徵以盡物明以盡民幽以盡神事列卷

分提綱揭目原始要終竊比於紀傳之體也其紀事之實持論之公自謂差有一得乃若才學識之三長深有愧焉是尚何能由數百載之後而考求往事於數百載之間哉矧以官守羈之民事奪之無所見已矣安得周游歷訪如太史公乎無所稽已矣安得極博旁蒐求秘書郎乎是志之脩

如蠶作繭見物即成豈能詳備而補塞遺
脫姑以俟乎君子極知狂僭不足以信今
傳後然於君子更化善俗之道學者多識
畜德之資或亦少裨於萬一云

嘉靖乙巳春上丁日文林郎知清流縣事
陽江西川陳桂芳秀甫書





則以西北刺并老表甫書

嘉慶丁巳春上丁日文林明映散流編集

畜齋之資如衣少弊外萬一云

朝新燕外吾子更山善谷之童學音多端

郊故以刺平吾子蘇映并辭不具必計今

收楚荆蘭具映明如豈猶善辭而辭基貴

清流縣志目錄

卷之一

建置沿革 疆域 圖里 城池 街坊

鄉落 墟市

卷之二

分野 山川 形勝 水利 物產 風氣

習俗 戶口 貢賦 力役

卷之三

公署 學校 廟祠 壇壝 寺觀
樓閣 倉廩

舖舍 橋渡 惠政 墳墓 古蹟 兵制

關寨

附禮儀

卷之四

秩官 科貢 隱逸 節義 仙釋 祥異

盜賊

卷之五

詞翰

清流縣志目錄終







清流縣志卷之一

知縣事陽江陳桂芳編集

建置沿革

邑名起於近代然建置沿革有自來矣禹弼
成五服閩粵荒服之地疆理甚畧成周盡其
地而疆理之秦漢因其地而郡縣之廢置離
合其詳不可得而聞也今志其大畧焉

清流在禹貢爲揚州之域在周職方爲七閩之地秦
屬閩中郡漢屬閩越後爲冶縣地屬會稽郡東漢屬

會稽南郡都尉三國吳屬建安郡晉爲新羅縣地屬
晉安郡劉宋泰始四年廢新羅縣尋復故陳永定初
隸閩州隋光大元年改閩州爲豐州尋改爲泉州皆
隸焉唐爲長汀寧化二縣地屬汀州五代時初屬閩
王氏後屬南唐宋隸汀州路元符元年提刑王祖道
行郡懋寧化麻倉團里清流驛亭愛其山明水秀因
謂長汀寧化壤地曠遠艱於政務奏析寧化六團里
長汀二團里置清流於麻倉團里紹興中廢元至元
間復置至正二十二年寧化賊曹柳順來寇據邑邑

人陳有定起義破之復其地元末江西寇鄧克明擁
萬衆攻邑圍閱月烈士伍宗堯拒戰死之因爲所據
時有定爲叅政駐兵平安寨聞宗堯死因遣捷兵夜
襲而追破之仍復其地以卽中孫通爲守禦以劉存
爲本縣總理官時縣皆歸有定

國朝洪武元年天兵南下福建歸附二年改汀州路
爲府清流縣仍舊名縣有九里七十九圖先是歸上
歸下二里時饑山民嘯聚將謀變成化七年巡撫都
御史滕昭至縣本府同知程熙具由申達